

四庫全書

集部

欽定四庫全書

集部

清容居士集卷四至六

詳校官庶吉士臣張溥

侍讀臣孫球覆勘

總校官降調編修臣倉聖脉

校對官編修臣勵守謙

謄錄監生臣蔣繼勲

欽定四庫全書

清客居士集卷四

古詩

五言

夕佳亭

赤雲下平田層巒紫光凝  
疎鐘息萬籟晴湖淨奩冰  
倦翻戢已樓遊雲澹相承  
吹簫者誰子空林起孤燈  
感彼金谷人怪石樛寒藤  
壯意耶未沒水涌風憑陵  
亭亭玉

元  
袁桷  
撰

浮圖百幻隨廢興振衣視天末黯澹銀河升朝暉詎異境氣寂念始澄

贈養源編修回嚴陵省墓

岌岌白雲阡翳翳青松居美蔭同靈根地易世愈疎清秋子胥濤縈紆達桐廬欲濟非無航契濶實跂予昔聞祖父言結綬來京都束書遠鄉國井邑匪異殊俯仰成雲仍宰木今何如事遠遺謀存審象窺眉鬚寒暑有代謝念昔同一初躬耕樂真隱漫仕修素儒敦叙古所宗

和侃寧有渝

贈昌上人二首

蕭蕭湖上波搖蕩羣峰秋客有萬古意支筇赴龍湫龍  
湫龐眉叟宴坐足未收飲以一片冰熟視了不酬長松  
挂枯瓢風靜林颼颼境足念念愈忘道充身益優永謝巖  
下人深省聊自修

岩嵒蒼玉軒虛聲振寒林我昔行其庭見影復見心秀  
嶂出古色浮雲為之陰豈不念世短所樂非所歆潛珍

閱幽匱羣弄誇姝音靖言事當爾江湖眇崎崆送子歸  
山阿松風起寒琴

宿竹院次珙橫川韻二首

修竹手所種參差過屋山微風為之來心境兩相閒清  
泉在澗底白雲在松間鐘聲集趺坐樓深流月殘重遊  
啓深省解轡思掩關

昔遊玉几峰老禪肩如山機深削陳迹天馬初服閒念  
欲從之遊小築茅三間俛仰二十載黃塵鬢毛殘亭亭

石塔影哀猿守松關

送宋壽卿侍御迎養建康

葆真林閣下為善心自娛農圃得休息時讀古人書施  
食不望報折券不顧餘時至祿自臻門有駟馬車念昔  
髫髻子遶牀衣青襦束髮事編簡操觚入皇都勁氣摩  
黃鵠危言伏青蒲龐眉笑有言鄰曲驚且吁維南帝王  
州問俗宣典謨匪規鼎食榮菽水心晏如種德報已豐  
願言廣蓄畬蘭生在堂下深根佇扶疎

廣信陳氏擇勝樓

散髮碧潭際讀書叢竹邊怡情學榮觀卜築遵自然雲  
蘿左右嶂雞犬東西阡羣動各有性孰念靜者憐翳翳  
昔賢居遺迹故老傳化為神仙宅喬木昧蒼煙松風起  
萬壑哀湍助鳴絃觀萬詎在遠泯默師韋編

潘孟陽上書不報歸里作五詠

賈生蘊奇畧徒步西上書昊天有正命傷哉杞人愚鵬  
翼垂雲來魂氣與之俱鼂氏竟寂寂主父復何如



襄陽孟處士拂衣歸故山放浪巖壑深流詠遺人間舉  
袖巖花落擊楫江鷗還羊公何墮淚水聲日潺潺

梅生一尉卑喋喋正天紀洗心洞玄化削跡棄妻子龍  
變孰能馴蟬蛻迺真止松迴風泠泠水落石齒齒

虞卿舌轉丸揣事精微芒事危見交態窮愁名益光黃  
金散逝水白壁凝飛霜丈夫有定志得失非預防

仲連匡世姿揮手却秦軍掩袂停白日登車抗浮雲射  
書誠草草孤城生死分辭榮敦薄俗矯抗離其羣

題盧溝煙雨圖

為吳成  
季作

驅馬上河梁圓暈新雨紋  
矯首層闕魏翔鸞散奇氛  
猗南雙松樹百里風聲聞  
束髮入紫京去住心如焚  
送客酹我觴我酹不得醺  
願化為黃鶴朝夕隨飛雲  
上以奉明主中以承嚴君  
往復三千年奇齡合氤氲  
結袂安期子啓齒歌瓊文

滑州從事持喪三年將終養其母郡表其閭

東魯秉周禮化俗何簡愉  
崎嶇小勝君冠蓋交道周漢

帝仁且明遺令誠咍嘍駟馬不及舌坐貽千古羞濫觴  
始膚寸奔流淪九州昂昂古先進免胄希前修青松為  
之枯慈烏為之留念此歲月短解紱安林丘華楹表槐  
柳細石寒泉流泯默區中人章甫慙沐猴

孟和卿旌表

濯纓息機事枕石聽流泉感彼蟻慕人駢首爭遺殮黃  
雲翳平隴持以防歲年河流滔天來積浪翻中田招攜  
舊鄰曲寒林起炊煙冥報非我願表宅增惘然紛紛遊

俠徒黃金生愛憐原生處蓬戶屢空聊自全

雲中郝孝子

混沌鑿既久重華以孝稱悲哉短喪徒稻錦顏益矜詩  
禮行中州衆說交沸騰挽十不得一閉閭徒凌兢芒芒  
古雲中土屋塗層冰下有郝氏阡馴烏為之增大圭出  
至璞匪以雕績能寒泉冽古井零露薄蒼藤溥風詎云  
遠相傳在雲仍

送沙君寶宰邑

舊為翰  
苑印史

尚印宰百里寒厓水粼粼野曠牛羊低山深麋鹿馴持  
觴接耆老種柳迎行人陶然樂清淨絃歌足青春

次韻馬伯庸供奉書館書事二首

瑤臺麗層雲秋聲起琪樹纖翠藻井波凝碧鎖窓霧雍  
容列僊集晴雪炯振鷺念昔經啓初櫛沐合生聚簡冊  
迄未成春秋奉神御巍巍冠函夏握筆慙繪句玄尊實  
明水越席敷大路崔蔡心匪迂終焉才名誤

其二

神京奉載筆需雲歌肆筵匪謂歲月虛聖代深養賢微  
蹤愧三入取禾踰十千馳神竹素圃鴻藻儼古先羣雄  
寶書聚彌綸迺成編微言耿玉絜潛光媚春妍往聖去  
已久八音盪敷宣元運合豹變高閎踵蟬聯夷齊迺首  
傳冥思豈其然

送馬伯庸御史奉使河西

青瑣倦迂散執轡踰關河黃流何奔傾積石何嵯峨承  
詔撫疲吐驚鳥在林柯沙場有凍骨野畝無遺禾日夕

寒雲聚宿燐明巖阿訪俗感素心因之聆詠歌

詠歌者誰子被髮號天明婦死不復悲失兒誰與耕承  
平五十載不識戰與爭殘雪流銀液我淚同其傾古云  
百二險夸誕生甲兵孰能轉夷途歷劫永清寧

清寧聞文運覽彼古帝都秦聲激豪宕洛詠夸敷腴  
山何纍纍下有白玉跌感彼秉筆人百金盡其諛死者  
已寂歷茲文亦模糊偉哉龍門生悲憤有遺書

遺書紀河源荒忽不可識君行河之西春雪深五尺茫

茫賀蘭山抽矢石為鏑坐閱三姓王聖代始斂色沙羊  
護壇房名駝候土驛觀風慘無儔雲端羨飛翼

飛翼西北來遺我書赫蹏中有陳情詞復憐雙雛啼野  
曠川無梁積荒氣候淒雞鳴葡萄根虎嘯首宿畦清霜  
集素裘斗戴天益低頓轡不得上雪山在其西

其西何寥寥云有古先生巖居時一食委影澹無營朝  
日炫丹碧匪以斤斧成如何驕榮子騰拏列層城驅力  
超北海逐影徙南溟誰能佐玄化泯默有遺情



遺情在相思舉酒不得起永念編簡功篤志刊綺靡傾  
盖已云舊知我實知己送君河之湄凍柳光蕤蕤修途  
馬飛翻少立盡瞻俟植德綏令名眠食慎道里

道里吾何能託身承明廬栽冠養深拙清塵避修途驅  
馬李陵臺望鄉問長鬚長鬚不能對吾行益次且羨君  
萬里道晴霞起檐榆天山諒非遠椎牛植粉榆

月巖

峻壁飛鳥絕積鐵成臺隍感彼玉兔精皎皎芙蓉牀萬

古消晦冥六月生陰涼道人悟空幻趺坐鬚眉蒼觀境  
不以色湛寂回真光成虧衆妄集嘉名表其常松聲起  
萬籟朝陽曙扶桑

夜集西太一宮分韻得草字

晝寂白雲深聯鑣集瀛島南枝當戶生積素流羽葆孤  
鐘息羣動獨鶴候清早石枰松影侵持觴俗塵掃春風  
散琪樹頃刻光灩灩玄談發嘉獎夙昔恣傾倒偶爾同  
心期還山寄瑤草

史氏報春堂

白雲在屋角  
凱風生樹端  
下有慈竹叢  
低昂候平安  
盈盈玉雪母  
光若赤瑛盤  
朝奉鶴禁煙  
暮承龜臺歡  
教兒誦經史  
清言消綺紈  
築堂深且明  
朱光映庭蘭  
寸心諒匪石  
寵辱非所干  
世故疾危岌  
奉盈身愈完  
願言樹明德  
朝夕應加餐

送于思容助教佐濟南廩司

黃鵠不可招  
越雞迺司晨  
圓冠壁水遊  
玉雪映陽春  
籌

燈玩太古垂簾避深塵遙望淮南山下有白頭親平生  
汗簡意朝昏具芳辛念之不得見顧影非我身檄書臺  
上來駕輿還海濱晴風破遠浪慈鳥飛且巡雲帆蔽吳  
粟濟用懷經綸為儒究理道六籍彌光新空林閔幽蘭  
嚴霜養修筠明德在謹勗雍容奉昌辰

天師留公返真空洞步虛詞十章以導遊

巍巍道祖居層構凌丹臺手持赤龍書八景剛風開感  
彼下土人積劫何崔嵬偃伏永壽命夸誕魂益哀愀然

彌不寧招我雲孫迴白鶴俯前導青童戒俱來

嵯峨金碧闕神魚伏深淵呼吸空洞炁子夜朝諸天頃  
刻風雨集咫尺星斗懸長嘯千仞溪寥寥生紫煙飛符  
戒神魚歲久助汝僊

玄圃饒竒觀陽葩霧霏霏玉壺湛清冰瑤琴銷金徽混  
沌合空洞絕此見象機松風代揮塵縹緲白縠衣興移  
暘烏逝節弭川虹飛棋局儼未終白日何熹微蓬萊迺  
故山為我一來歸真風詎永隔神光澹依依

崑崙鎮黿極鬱儀交結璘故歲非我歲寧復論秋春稽  
首三天師彌綸返真淳精思彼嘉生雲施均萬民至感發  
自然不著亦不嗔運世有通塞六龍無停輪洞章激微吟  
長樂自在身蟬蛻乃清淨跡絕虛中塵

挹秀斟醴泉蘭馥鼎初調絳旗開景光下招徹紫霄連蜷靜夷  
猶感彼父老邀司命二十年守素淡不雕蛻蛻澍周原顛顛戶  
江潮瓊章遏清詠丹輿導逍遙視之不得見白雲在山椒  
南嶽雲輪困英英生紫華靈游澹無蹤來集玉斧家玄

螭有遺跡望斗紛騰挈鞭撻隨三光服食制五霞上經  
永授之火鈴從飛車

嶄巖陽平關古松化為人千歲永不飢食之朝帝真中  
有一寸玉寒光敵金銀上結三元炁下援七祖神舉世  
尊禮之靜念通至仁

留城平蕪連雲深樹沱漻磅礴經濟心永劫常不彫河  
車孕長命方瞳生本條瑩如珊瑚枝粲若翡翠翹諸天  
咸唱恭贊我玉晨朝人間倘再至玄化助神堯

仙巖鬱寥寥石倉貯餘糧云有狡獪子用物能陸梁山  
花聳寶髻雲蘿曳青裳永念斷真妄帝令深且長境化  
道炁增變滅始真常參差應虛牝羣峰屹相望月落香  
然去泉鳴玉琮琤

朱棗何纂纂碧桃何團團感賞千古心生世常苦煎玄  
翁敞珍館金母和紫鉛三咽生羽翰空飛集諸天道炁  
常流灌眇眇復繇繇桑田海波滿彈指三千年

大名劉節婦吟



孤鶴不累巢離鸞不飲溪溪明難為影巢成誰與棲飄  
飄無根雲流麗如虹蜺下有貞松臺白日晝且淒我思  
徹霄漢冥邈不可梯青青東園柳子規當樹啼來者何  
用歡去者日以迷擊石端出火擣辛能作齏妄心尚未  
明請看井中泥

育王琪禪師示寂二紀嶼上人回山中因寄塔  
主

石塔累荒土月落冰稜稜永懷跣趺叟松風吹不應山

房舊淨供素壁一枝藤語寂絕禪觀機深超祖乘擊石  
迸新火諸天化為燈上有白玉峰丹梯杳難登黃流鉅  
野漲虎嘯懸厓崩斯道尚未泯微言足搜徵

胡止水家三衢自言文定裔孫來京師三年念  
母以歸前述家學三篇以相勉復成一篇以遲  
其來

武夷春秋功憤激渡江主寶書恣殽訛竹簡錯編組素  
王魯諸臣舊史足徵取是非紀其真曲直槩可覩紛紛

燕說徒誣鱗增巧妬日月例愈深災異說彌盡或言九  
世讐晚歲進吳楚羣公骨已朽聖筆孰與語坐曹徒深  
文曲學日旁午苦心抱遺經願言復師古

泰元積磅礴日月佐經緯煌煌往聖學鈎考合表裏大  
道侔玄功不偏亦不陂至靜貫幽顯萬變集蜂蜩漢儒  
闡其端逐物失聽視旁行分戶牖蔓說糅涇渭緬惟五  
峰翁正色直如矢謝彼憧憧徒感物志愈肆室虛生至  
和鼎渥實珍味歸求真吾師勗哉蹈前軌

神京鬱嵯峨冠佩清且揚秘丘積縑帙瑣窓爛琳琅有  
客願從遊永言觀國光或云是釣天九闕嚴且防朝望  
羣馬入往來間成行彩鳳鳴聲悲裂臆思絕吭知子親  
見之素心益徊徨希名養簡默勿為衆所傷還家拜慈  
母祝以永壽康春風戒重來歸雁同翱翔

贈餘姚岑易直登第歸里二首

束帶登玉署鵠袍立參差碧海春波融沈鬱流奇思俳  
諧詎素願阿世非吾師寥寥天人際載牘陳雍熙婉青

昧正說擬玄騁荒辭銅鼎有至味酸醎異其宜有客奉  
瑚璉願言播聲詩初歌玄鶴舞載歌鳳來儀

東浙山水國冠帶連畦吟清門徭役空華屋詩書泯晴江修  
竹宅燈火敦孝謹下幃論唐虞浮榮陋朝槿擔簦京國遊射  
策疾飛隼精思坐待旦古巷絕遊軫蒼松蔭娑娑丹芝  
凝蠹菌乘時足變化樹立在修敏

善之僉事兄南歸述懷百韻

並轡承明廬荏苒十七禩陽林集總翠奧室麗文綺寶

函龍鳳章玉珮鸛鵲峙泰帝興鴻文奎壁憲天紀梗楠  
購羣才弓帛徵四起番番古遺直正色論道理深幾虎  
生風神契魚在水三光密轆轤一札見萬里雍容丹地  
近經緯審國是霜奩賚黃柑冰盤錫朱李蒲萄與法酒  
承燕時漱齒俯陳天人際齧舌衆披靡始言官高卑予  
奪慎其軌終言瓊林資海寓極鞭箠筆愴情曲如鈞讜論  
直如矢或以首鼠窺或以妖狐伺奏終慶雲開再拜玉  
色喜天青回海雁萬柳色蕤蕤屬車度居庸整隊行過

蟻老臣汝居守清霜慎顯侯秋風龍虎臺帳殿紅旂旄  
前驅列鵝鸛後御肅犀兕分行獻瓜果傳醴復長跪念  
昔詞臣功咫尺寫天旨大令追風雷小言婉蘭芷約制  
如竟寧渾噩回正始告廷趣揚麻建社追賜璽稿文具  
明訓援筆謝填委飛濤捲天吳歷塊超駮駟咿嚶思澤  
侯過手直三褫園丘導景化秘祝陋五時漢皇禮鄒枚  
食粟倡優比遺恨存至今文俳等方技緬思周廷彥勢  
若鹿角倚懷忠牖納約凝命鼎出否追琢羅寶尊刻鏤

羞玉簋朽索馭匪輕深淵涉無涖煌煌金匱書世守司  
馬氏春秋尊為經不復繼魯史朝光鵷鵠明千花爛朱  
藥松風轉回廊蒼玉振徙倚龍荒啓神武九域極芟薶  
羣公儼侍御挾矢佩象弭臨河誓剖符披圖開賜履永  
言卑退全罔以強力恃獻功上王所百一存寶度龜趺  
負穹石浮語極褒侈墨兵勦衆妄筆獄破積毀載筆非  
無能終歲不滿紙坐曹心靡寧愒日穎有泚清談雜諧  
語陡覺兩曜駛自取木雁中俛首供諾唯交章日輪困



涉署絕臧否或云以彙升拾級上堂祀或云選清望後  
至實奇士迎塵馬交趨候門足爭累冥鴻天機深却立  
賦三已總角勇志道奇服曳芳莖澄觀竹素園讐勘徹  
昏晷儒宗文人行聞欬輒倒屣深湛皇王學揮手謝青  
紫辭卑相如賦操擬靖節誅淒涼五公裔渙忍羞筮仕  
孤音歎寡和激石轉商徵浮雲蒼狗來黽勉渡江汜湯  
湯黃河道桑棗日淪圯耕童戲殘鏃一一古戰壘霜叢  
射新兔春蒲貫王鮪荒州靜無事拍手歌于薦枯灘鐵

槎牙積溜玉迤邐太史非好遊所歷廣聽視振衣入閭  
闔姻契論不鄙相期在霄漢薄祿慎礪砥趨朝曉同班  
退宿昏共止填膺雙髯張快意並手抵談經陋茲茲證  
字窮亥豕斷絃搜麟膠滅跡問獺髓愛兄靜以絜振鷺  
立水沚霧深沐玄豹日炯粲文雉鏞鐘倡鴻聲衆樂奏  
立伎向來論交意瞑目謝諸子出處今不同評議實相  
侶維吳稻蟹區民俗久瘡痍貧檐蒲稗齊富廩丘嶽峙  
傾金恣聯絡所至各闕市令儀養叨憤軟語包詐詭郭

解都中夷景氏關內徙坐令襁襁徒終歲力耒耜興文  
植清邵省罰厲廉恥重華政垂衣化俾風俗美行行度  
東魯野水足荷芰微吟數魚網薄睡倚烏几漁歌起微  
茫逸興舟戒穢人言居移深嘉橘化成枳不見千金泉  
一畝夷齊擬離羣增幽憂溽暑積滯懣登坡帽低昂跋  
馬盆遠企管鮑非利交金石誓生死著鞭訝先之稅駕  
亦逝矣共享黃髮年斯文永綏祉

題張中丞東亭圖

舊墅習真隱新亭幽且妍  
芳菲家林春引眺增推遷  
令德資先猷嵯峨白雲阡  
總角精典籍承顏綺襦鮮  
寒泉感逝波喬木矯蒼煙  
欲論林間趣深掃區中緣  
招攜舊鄰保舉觴問華顛  
雞鳴柳陰直魚跳水紋圓  
開田穀盈困種果花滿川  
荏苒白玉京念至心惘然  
傳忠匪懷祿立身盡貞堅  
披圖耿素志功成賦歸田

曲陽李孝子

寒雲生秀嶺朔風盪修林  
鳥兔日以馳幽翳增嶽峯朝

看壠頭栢零露珠淫淫有饌不能舉有酒不得斟  
絳月下衣淅瀝壁下琴登堂痛躑躅審象陳輿廠重華古  
孝帝五十猶素心坐令比屋封表里存遺音立名在樹  
德戚戚非所欽嗟哉曲陽生束書振華簪

送趙虛一道士降香南海諸名山

往從虞伯生  
降香成都

振策峨眉巔身輕暫飛鳥懸厓欲崩流側石穿暗篠高  
騫蕩心目每恨所歷少捧香南溟使絕足騰驤裏龍淵  
明珩秀恍惚百靈皦乘飈訖八公挂席招五老巖光候

陰晴水氣變昏曉神君層巒倚商祭通杳眇念昔結空  
寂厓座絕登眺希彼巢居子寢作止林杪鐘鳴驛吏動  
危坐萬籟愀餘齡水赴壑歷塊跡電掃韜精習澄觀俯  
矚八紘小

屏山堂

賈星化飛魄修纖屹青暝何人媚幽獨喻物傳真形想  
此宴坐時參前平且寧朝霞紅冉冉暮雲白亭亭中立  
羞卷舒廓寥慎儀刑君子法至靜處身視行庭古聖儼

未忘觴豆爰有銘茲峰合混沌胡然命為屏天空月當  
戶陰風走山靈

題輞川捕魚圖

洛口疾如箭駢頭頰尾鱗散網巖隈泊千漚水花勻輞  
川蓮社侶百味不入脣時危涉飄蕩急管悲青春不如  
漁師樂風水候昏昕連檣坐翁媪茗糜接婚姻永謝朝  
市客炎涼生喜嗔

子昂墨竹

高風法清聖直筆師素王湛湛玄雲姿靈籟生幽房解  
珮白玉京誓將泛滄浪所懷歲寒友臨分贈琳琅

可竹軒

種竹水邊宅幘晞餘清湛湛玄霧姿匪以介自名條  
達辭黑墳英光表朱明寂寥巖下泉旋轉空中笙神交  
習真靜恬養忘虧成南國倦海暑鬱陶起深情展席臥  
其下仰見疎星行始悟晉諸賢嗜此誠遺榮我家十畝  
園新穉流珠纓邈然送歸棹矯首蒼煙橫



子昂雙木竹石圖

朔雲盪空輪羣芳益搖落老木兢且嚴化此雙鹿角桀  
彼江南枝歲晚彌卓犖或言石五采服之混沌鑿威鳳  
招不來虛聲起阿閤

以劉士先子墨贈薛玄卿

虛堂集萬竈高下旭流螢寒膏玉蟲綴幽光耿晶熒巡  
行蟻旋磨龜手日不停範圍金屑精膠轄桂杵靈劉氏  
祖子孫妙訣通玄冥沈沈緝熙殿函封英露零龍牋掣

鯨海黯淡松花馨往事歸逝水殘壁傳千齡雲館道氣  
寂守黑深儀刑散髮結瓊章研摩固幽局持此以遠慰  
點翰補黃庭

飲酒雜詩十二首

春至舊疾作晝眠聽禽聲總角耽六籍萬化何縱橫觀  
象太極初始悟無虧成環中秘靈根羣動一以貞吾欲  
乘彩鳳截篴以為笙上窮崑崙渾下探渤澥清

夜黑雪初白高臥益自怡起看庭前柳冉冉青春安長

松在西山鬚髮流銀漸豈不念歲苦老壯當固持事至  
勿獨戚時來詎人為得酒且深醉淵明果吾師

京師二十載酒中有深歡大雨即閉戶朔風嘗解鞍客  
至輒笑之是豈宜居官振容筮神著鴻飛漸于磐百歲  
苦世短萬鍾非我干所以東方生吏隱神益完

陽鳥乘南雲飄飄振奇翮迫此梁稻謀居移遂成客愧  
我食京塵誓墓志未獲雙峯十丈松下有千載魄當年  
侍蓬瀛香芸森寶冊高齋集遺編朱墨猶手澤戰兢愧

匪承永念在行役

少欲觀滄海下取珊瑚枝  
穹龜負玄文靈鱗揚朱鬣  
盪舟不能往寶氣時紛披  
有客方壺來授簡雲差差  
一以參太極九以師庖犧  
振衣海神泣舉觴山鬼移

少觀五嶽形五性各有殊  
神州養深知百靈受馳驅  
申安樂翁定洛為中居  
契孫乃九遷舜詎平陽都  
神京屹金臺五雲玉芙蓉  
始知天經旋積氣為堪輿

家鄰天台山云有二子巖  
巍峩太古石纖修矗雲尖上

棲西竺僧雪色垂鬚髯二子與之遊作詩清且嚴乳花  
散瓷甌瀑布飛銀簾醉醒夢見之謂我何留淹

南簷孤生竹歲暮柯葉蒼豈不念道里因之摧雪霜夷  
齊盧龍居胡為乃名揚入水蛤有文踰淮枳彌芳受性  
諒匪移臨風酌吾觴

弱冠不飲酒篝燈橫玉繩或云酒中趣湛湛浮雲蒸棄  
書試其言杲若烏輪升天根轉晴雷堅城為之崩妙言  
粲瓊屑逸興追飛鷹醉鄉尚可居無功乃真朋

醉中發莊語爛如錦中花急急抱蘆雁肅肅投林鴉欲  
別意深省瞑目不復譁愧彼獨醒人揣摩生咄嗟下馬  
暮入門雙目含飛沙醉者忽復悟振衣正烏紗

江梅生空林歲晏美無度挈身踰朔易塊獨此室處羶  
房望朝陽耿耿不得語雕籠粲珍禽悵望秦鄉樹爰居  
東門止盛饗非素茹臨風嗅其英雅志懷故土

差我白雲阡種松在山腰散之不盈掬離離如麥苗迎  
陽漱靈津參差拂雲霄露重碧天淨玄鶴時來巢俛仰

二十年鬢齒日以彫寄聲謝玄鶴相期躡岩堯

劉氏義門

芸閣寶書輯靖言繇外孫感彼南山豆淒其北堂萱昂  
昂壽母懿槐柳植高門潛夫豈無論莫述寒泉恩時康  
廣女史願以銀管存

述郭楚望步月秋雨琴調二首

明月當清空流光滿西墀振衣獨徐行耿耿長相隨我  
心如明月萬古無成虧偶逐區中名遂為塵所欺抱影

長夜吟別鶴同離思行矣歸故山探玄結幽期幽期永  
勿緩長嘯彈朱絲

歌枕絕幽夢臥聽秋雨鳴寒葉不自持撼撼金石聲清  
商肅萬物此聲何不平寤歎生遐心夙昔羞近名千金  
隴頭客荏苒朱顏驚此夕秋思深斷續難為情載歌招  
隱辭臨風寫餘清

送吳博文歸天台

中年困菽水絕足萬里道舊家天台山清夢嘗草草秋



雲起晴姿思逐冥鴻矯三年鄞江上微祿紆素抱緬懷  
揚雄宅古徑雜幽葆童年手種竹翠羽插雲表還家恍  
南山訊俗憑舊老清名天所閔投冠詎終保鳴鞭踐脩  
途置用實國寶英才剪春葩醇語酌清醪解榻定有人  
行矣趨徵召青蘿宵寒猿深啼怨清曉

送人之官遼東

吳郡張  
淵清夫

昂昂泰湖漿直上遼海東層波起清兕出日搖蒼龍中  
有仙人島弁服雙碧瞳手披古墜簡返真極彌縫季世

日以漓神功貫鴻濛維聖居九夷駕言挹淳風衆情習  
近慕飛塵哆青紅觀瀾悟玄化白雲澹無蹤遠遊豈不  
樂感悵非終窮

得一齋

清齋不知歲尸坐觀芸芸神珠護靈淵歷落光景分先  
時謹橐籥執機合細緼淳音出虛北百靈懽無聞九闕  
肅夜令星斗森玄雲永玩泰始體握之密成文緬言延  
年士服食為奇勲寶氣倏消蕩累累竟丘墳念此意愈

冷幽居匪離羣

次韻蔣遠靜二首

陽靈貫竒璞棄捐荆山傍悲哉三刖翁炎空泣飛霜此  
寶不復試襲緹迺深藏百神靜護之石老日月荒我  
五彩雲散為白虹光追琢在所用持以登明堂

椅桐生空林繁陰闕道傍永斲雲和器十指凝冰霜玄  
鶴何方來鍛翮感摧藏合為清商曲行雲渺荒荒素心  
諒平和鑒彼明月光置彈集吾聽遺音在高堂

次韻鄭景尹二首

弱歲拾琪葉耿耿金石音遠為闕河遊衆嗜非所欽曳  
裾入承明寶策紛珉琳秉筆直塗竄嗒然養書林維南  
有佳樹寸雲出遙岑遲之不肯來辭以道里深跂予匪  
朝夕盟言在茲今

層臺望秋林華樹在其巔上有青樛枝為我玄鶴延良  
時豈不感盤雲復迴旋瓊英失零露百卉爭忿悁願言  
保遺直勿使衆蔓纏一歌以慨慷再歌朱絲絃

再次韻

潛魚護嘉鱗雛鳳含淳音束髮勇聞道執御羣公欽痛  
哭悼賈生敏給卑陳琳荏苒歲月遷側身羣玉林飛塵  
化玄髮所歷多崟岑精衛有猛志不畏鉅海深遺聞理  
墜簡修名匪垂今

古有惜陰子觀日扶桑巔雞鳴起中夜紅光朗流延吾  
欲挽其馭與天同左旋志士不並世寸心增結悃神澄  
水鏡淨世閱徽纒纒鄙語雜謬誤奉身直如絃

觀圖書次韻景尹

少遊竹素圃學道希心傳祖德永遐聞履冰凜求全素  
衣入京洛飛塵浩難湔車書煥皇度末枚期雕鐫稽古  
在簡要敢侈三萬言煌煌羣玉府遺跡森炳然滄波蓬  
壺島古石仇池天方諸變毛穎寒暑隨推遷感彼傳翫  
數寸心獨悲悵淒其衣冠聚拱木思昔賢羸金白雲化  
青箱游縲旋寥寥釣天夢髣像追四懸尤物詎足貴尚  
德庶永延愛君閔神珠出水復媚淵六籍儼遺訓精思

貴誠度一撫玄鶴操以賡雲和絃

次韻廬山黃伯玉東漢名士十詠

食肝不知味詎為口腹人紛綸五經學講道踰八珍古  
來植名士殺身以成仁念此七箸微少忍非傷貧高誼  
動白日正色凌三軍仲叔固義士井生乃天民

漢季日頽靡莽莽蕭艾叢孺子南州彥獨立風雨中兩  
為故人吊斯道萬物宗湛兮如止水脫焉如捕風儉德  
良辟難栖栖何為容耕稼詠典籍食志非無功

叔度長閭巷奉高獨先知盛德眇莫聞鬱為時所師朗  
陵一邂逅此豈髻鬣兒幽篁抱靜節游龍隱深陂至今  
百世下清風散肝脾仕止適天運不喜亦不違薄遊河  
南道還家復牛衣

力田南山下久卑不學恭每於風雨時執禮夷踞中甑  
墮乃失聲此意人所同厲行名益彰無懷道之宗郭公  
果善相千載我欲從

伯鸞事沉冥作勞賴仁妻身隱不願文更治山中棲浩



歌五噫詠麥秀何淒淒遐征詎遊觀鳳鳥不復來羸博  
慕季子居夷法宣尼幼無適俗韻與世非寡諧至今青  
青冢猶有鳥銜泥

古有逃名士洗耳東海東韜精事肥遯浮雲藐王公被  
髮或佯狂垢形滅其蹤季世事標榜紛紛競懼凶所以  
康伯徒邈焉不知終

幼安家北海流徙來東溟一帽常挂頭破席屢見經六  
籍躬探微衆說紛聚螢老非諸侯客肯至三公庭華生

竟夭折管子終康寧

卷四

龐公老江漢性本愛居山採藥山北涯歸鷗送之還青  
林酒一卮白日茅三間時許眼中士非鵠亦非鸞性不  
耐束帶矧肯貪王官侶憐牀下子崎嶇卯金寒靜性閑  
變化道充身念安乘風學輕舉寒蘿香誰攀中郎天外  
鳳北海人中龍鳳以五采姜龍以有悔終失身匪素志  
尚言乃真窮舉世習玄默脂韋爭長雄之人佩瓊琚肆  
言刺羣公落口擬真禍悲來事容容蘇公起深悵蠻江

盪舟中

荀陳兩家子龍鼎合雞彝昔嘗窺其圖一一無吝疵空  
巖古桂樹崔嵬匪今茲想當下車時羣雛古威儀行酒  
拜滿戶入門揖當碑惜哉或與羣巨構頽其基

我家司徒公清德炳漢朝盈盈丙丁綬熒熒左右貂謂  
此非世美脫去孰敢招榮木固同根其末千萬條勁節  
或峭正孤吟或清寥世遠人事疎耳冷心志消瞻企法  
天運盛衰感江潮束髮六籍功矢言期久要詩來振遺

饗縹緲孤鳳簫前修果未沫百世詎云遙

觀真文忠公畫像

羣賢輔絕學嗟峨武夷峯熒熒方瞳光汲汲汗簡中緬  
懷文明初蒼珮極匪躬執筆侍玉署妙語工彌縫飛塵  
變蒼狗潛淵閱游龍空餘經濟心勞徠飢飛鴻濁水投  
神膠揚清迺奇功喬松不並世寒飈轉秋蓬生世我已  
後正緒遺顙蒙惕然拜公像斯道非終窮

曾大父樞密越公嘉定辛未與先生同官奉常寶  
慶初同為侍從先生被黜先公亦以論邊事去國

獲拜遺像  
併識于後

王忠簡公嘉定入朝曾大父越公獲隨班著暨端  
明公嘉熙間以西山先生門人敬歷麾節先公則  
已捐館稱向遊學婺女得拜端明公之次子令尹  
道家世遺事纚纚不絕口今復見其孫申伯于鄞  
喬木摧落桐深為此懼瞻仰西山先生遺  
像因紀事契併以自勵亦以勉夫申伯

陶道士心遠齋

少秉丘壑志養真事深寧清晨脫章甫習道誦丹經  
煒煌金碧居明霞敞殊庭逃形託榮觀漠然守心局  
矯首西南雲飛蓋垂流鈴八表散清雨歸林何亭亭  
緬懷靖

節翁舉觴日沉冥之人靜且修奇服養遐齡長松舊云  
植秀色日以青素心靡違只矢言寄山靈

寄題郭靜州絅齋

靈曜動橐籥萬物俱光晶湛然齋居子韜精獨沈冥飛  
梭織翠霧層冰瑩疎星製為蟬翼衣無華靜儀刑憺兮  
神君來不笑亦不頻一以却氛垢一以永千齡我欲從  
之遊車音振泠泠

清容居士集卷四

欽定四庫全書

清容居士集卷五

元 袁桷 撰

古詩 五言

為贛川連教授賦梅城

稜稜太古根  
縈帶鐵不如  
飛塵望其藩  
却走奔無餘  
中有冰玉人  
指揮萬瓊琚  
低昂受其職  
補理成扶胥  
天空斗搖寒  
令嚴察孤虛  
練袍立清夜  
鮮明在犀渠  
積雪誰

為驕慷慨紛糝糊陰陽本一氣開門使之俱險絕貴有  
道面壁非吾徒司農起視旦蝶夢方蘧蘧

泊貫州次韻仲章

沙塵暗河津遊雲蕩無餘忽忽萬里念眇眇孤鴻俱風  
水淹行頓異縣非故居雞鳴逐前邁殘星澹遺珠空林  
野氣肅古樹慘不舒飢禽何其悲驚飛挾鳴雛迺知俛  
啄意愧我將焉如道遠怯驚臨終憶山中廬誓言息機  
事解纓慎馳驅初夏鬱新潯永日誰為娛因之寫初志



臨風復躊躇

次韻呂學正古意二首

初筵秩嘉賓容氣清且明至饗不在酒尊罍粢東榮傷  
哉崇飲徒偏宕四坐驚中有獨醒士覲然愧非輕持觴  
懼濡口孤吹幽篴鳴永飢詎遺禮俎實期充庭

苦心嗜昌陽古簡香莫識之人遠持贈藉以五色石密  
節懷黜章寒暑端莫易三咽迴中腸起止良得力舉世  
希妍英椒蘭政紛職慎勿強嗜之斟酌泉澡其德

次韻元復初春思三首

凍樹迴青陽，羈禽競新嘆。喧喧人語浮，稍稍春事動。  
澄心絕芳華，小睡足幽夢。夢覺天宇新，朝光集飛棟。  
遊塵逐平臯，秀色翳榛莽。油雲互東西，鬱抑不能雨。  
昭蘇在玄功，竟夕復延佇。何當挾其顛，振翮窮委羽。

遠客芳草思湛湛，天外舟坐令親知。疎低徊此淹留，古  
樹擢奇石清流。滙芳洲，素心諒有在，胡不為茲遊。

雨後聞鶯

衆卉沐新雨幽光澹餘情岸幘碧窓冷卷簾白雲生起  
坐調素絃促軫流鶯鳴侶言田家苦招我田中行昨宵  
隱其雷願言興滿盈

送李德隆經歷其父居澧陽因乞郡江陵以便  
省養

悠悠澧陽川飛鴻去無極白雲眇何方抑鬱萬里色念  
之不得從肉臂誰為翼翩然領南郡解此終歲憶楚宮  
昔壯麗冠珮立瑤席瓊英輯佳思落筆洒金碧淒其千

載下正氣堅鐵石想此問俗餘酹酒追寂歷平生功名  
意甘旨惕朝夕懷章遂其初居夷亦云適藝蘭襲孤芳  
種橘企嘉植永言區中塵過隙殊未息

節婦吟

為蒙氏作

幽蘭淨如洗晝靄桑麻墟天低泣清露因依護紛敷春  
風遠相負迺在萬里餘明月流素光願鑒夫君裾荷戈  
力行役誓將保無渝難以一日歡永失千載娛

蕩蕩明河側雙星隨斗移會合靡有覩恍惚生怪竒古

意不復識今情益多疑契濶三十春百年以為期白首  
一邂逅孤芳秉華滋感此初意深臨風託長辭

次韻范德機海鵠篇

黃鵠海上來逍遙遊帝所寥寥九萬里五采紛異覩朝  
霏西山霞暮結平地土喧歌舞晴翠鵠首不復頰孤鳴  
者何禽振翮亦遐舉憺兮邂逅之落月耿清侶芝糧產  
層顛蘭珮在遠浦八表同其光欲言淚如雨臨分致黃  
鵠出處各有許方壺渺麟洲輪囷為君佇

送任懷可

跼跼水上鳶游游釜中魚鳶飛不得息魚响何時蘇興  
言夙行邁晴秋振脩途挈衣海上州出日揺珊瑚采瓊  
以為糧拾羽以為裾妙言感芳蕤流光曜陽烏盛意勿  
復沮清氛靜無餘維南有英雲矯首出門初團團御飛  
蓋隨君為躊躇勗哉植明德含章侯昭圖

同復初功遠飲仲章家觀芍藥分韻得一字

深沈碧雲居錯落紫瓊色芳菲護餘春清和表昭質高

叢吐驛剛新茁角繭栗傾心愛膏露正色浴初日含香  
紫宸朝奏舞彤庭佾駢頭澹如無背面意愈密杯翻王  
母下斗碎壯士失霏霏玉生煙漾漾珠吐液絕容第無  
雙薄醉飲真一嫣然屬幽賞為爾寫清逸

洛詠五首示洛人張孟功任大正

晴雲起嵩嶽變化如游龍感彼金谷人聚散同飛蓬紫  
紆古瀍澗百井爭汲春昔有陳思王作賦雕層空相望  
不得語遺情寄冥鴻金隄手所植荒淫竟無蹤

三川鼎沈淪洛水以土勝如何羣英聚千載兵甲競僊人王子喬吹笙白雲頂下視北邙塚今為狐兔穿斷碑化灰劫來者日以盛箕山水泠泠側聽發深省

森森古名園玩芳納玄覽澹然觀物翁欣至情不減看花烏帽落秀色起晴臉一一卿相居舉觴雲氣湛尸坐寒暑遺妙言天地範一去三百年寒松白雲黯

昔有好奇士絕頂觀海浪神泣肝膽翻興逸天地放泥金與玉檢縱筆紀其妄茲山久寂寞著屐事幽訪太少



何岩崑兩曜隨下上彩鸞凌風翔疑有帝子降

經郭闡微言理窟洞玄化汲汲嵩山叟反復窮代謝白  
璧匪有瑕後賢極譏射麟經書薨卒外臣不以假如何  
莽大夫簡牘得矜詫往聖既莫從掩袂效喑啞

贈汪生

投簪事却掃衡門無雜賓衝檐鳥雀噪魁梧見斯人遺  
我以琲珠神光絢嶙峋風雅久不作雄辭逞斷斷愛君  
春雲姿回旋轉空輪飛英不受采積潤凝青頻老我意

苦短念此情彌親疇昔侍金鑾挽士志莫申薦禰固百  
一視君鮮儔倫先聖六籍功願言善彌綸辱贈莫能報  
清風響蒼筠

感興

明月不受采澄波偶成文壤壤玄黃中至理孰能分南  
山有琪樹蒙彼山上雲層陰閤朱光積潤養奇芬深林  
葆真素芳妍澹無聞昨來京國遊緇塵日芸芸永念丘  
壑趣攬衣意如焚

題王眉叟溪月圖

水清不受觸月高不受浴空景兩相忘松風進虛谷之  
人閒真靜引手還在目服之飛上天溪流淨如玉

書孝子卷

道旁拾枯松汲水作糜粥堂前九十母啜粥端勝肉人  
言五鼎養形渥迺有辱擊鮮豈無具彼網不敢觸乃翁  
三尺墳慈烏為之築亭亭忘憂花甘露手可掬花開醉  
春風百歲初轉轂之士歡有餘之人何不足

夜泊城北有懷孫秦二學士

英英二學士黼黻元祐初功名軋姦黨翰墨尊寰區維  
昔淮南邦風流藹清都至今舊文采老蚌遺神珠百年  
俎豆廢荒城屹秋蕪黑首總論武舊老時言儒白雲去  
已久來往今何如蒼蒼灌木陰曾聞駐瓊裾艱難視天  
運俛首猶唐虞稻米竭秋歛菱芡餘歲儲白鷗眇天末  
蘆葦寒蕭疎懷賢願有在佇立情躊躇

淮口阻雨二首

曉雨壓風力我帆同款段怙怙蓬底眠晝日慘易短獨  
行既無儔欲去不得返冥濛水雲重寂歷榆柳斷淮流  
既東馳我行安可緩縈迂沂三义始覺人語亂艱難意  
如斯寒鴉佇江岸

小雨不作潮餘情在春樹冥鴻歸興深振翼美無度淒  
涼舊如此荏苒已增嫵茫茫昔荆榛桑柘青幾許淮水  
去不休歲閱今與古風雲合浩蕩我輩勞步武人言上  
水地沙流半焦土行役儻自然春雲起飛雪

詠史四首

青青虞美人欲舞不解前漫漫劉寄奴醫國真茫然風  
迴下相里寒沙起蒼煙徘徊古彭城亦復多流泉二者  
骨已朽胡為事春妍人生要垂芳豈託小草傳丈夫與  
女子籍籍同悲憐

寰宇設天險圖書已周知鴻溝定疆理屈意陳卑辭永  
觀沛公豪豈無懷土思羣雄亦鄉黨輕家迺相隨時來  
各忍性不復兒女悲它年過沛宮父老垂涕洟井邑圖

新豐雞犬猶前時論功食湯沐故里俱無遺成敗論昔  
人興懷重嗟咨

留侯晚辟穀端有避禍意遠招商山翁不復為漢計平  
生老鋒鏑帷幄乃真智南宮論非諛意冷終有忌雍容  
視國本孱子匪神器此坐端可惜欲言且深慮代王豈  
不佳語出禍立至羽翼從汝成增繳幸我避百年願已  
足投老空立異不見吹簫民功成終械繫

人言漢淮陰晚歲何卑陋英賢多混跡豈復論恩讐泊

舟楚山川緬懷意悠悠責人斯無難此意猶前脩近世  
輕薄兒流落曾相投飢來或乞食寒至將索裘一朝青  
雲上泯默懷深羞高視絕舊好削跡同避仇當年睚眦  
意談笑能相酬韓生固瑣瑣終勝青雲流斯人我非慕  
微言儆羣媮

次韻仲章初夏即事

吏隱習疏曠晨起遺世情積柳含綠潤幽葵表朱明誰  
云地氣高炎暑從茲生新潦變歛溽飛塵增墳盈養痾



尋丈內跬步不復行雲浮晚色盡平湖起秋聲炎涼在  
頃刻變化何縱橫繕性合天和愧彼塵網嬰有懷金石  
交飛蓋何由傾

城南亭

平生泉石意勝處時相關似聞城南亭層陰絕塵闕初  
夏結清讌尊筓連珮環涼襟納虛白妙顏尊渥丹高歌  
互激越白日虛且閒志適不願足後會期躋攀晴霞澹  
天末迴首疑僊衆

讀范德機東坊橐

范子東坊居深巷蔽樛木架上一帙書牆東數叢菊明  
月照西山清夜勤盥沐學為孤鳳吟非絲亦非竹陰陽  
合萬籟逸饗振林谷水花不受唾天衣那有觸玉署青  
裳杖三嗅羞獨宿滄洲有真趣從此謝榮辱

武當張道士京師禱雨迴山中

古有巖居子抱朴尸玄冥被髮空洞遊蒼莽窮帝青手  
持九九文蜿蜒合揚靈維斗司其紐習坎鞭流霆良疇

已懷新燥露滋明星滌滌原野燄迴風轉塵腥無譁夜  
下令瞬息不得停茲人秘元化長跪耳默聆崑崙挾潢  
漢紫霧噓青萍玄鶴渰以淒百谷奔零零浮侈不足慕  
趣使歸巖局天地古橐籥鍊一清且庭詭幻歲已暮願  
言養脩齡

觀梅分韻得影字

月窟迴初陽瑰室習真靜深居碧雲合澄觀白日永南  
枝歷煙霧北雪辭嶠嶺蟠柯翠交加疎萼玉秀整三襲

雜纖繒一漱芙蓉井浴鵲採其光寒蜂妬其影將養憂  
過分泯默發深省天空流蟬墮露冷玄鶴警歌罷誰與  
言觴至不復逞

送陳仲剛歸番易

浩蕩南客心崢嶸西山雲憶昔登王畿縑緗集同文執  
簡玉署側藻思抽奇芬明世合儒彥詎有楚越分羣姝  
嫉蛾眉念至肝膽焚番江滙新田甘雨催初耘不念別  
者苦孤翮誰為羣重柳積翠霧酒盡不得醺扁舟鼓新

棹晴川淨芸芸

送薛玄卿歸吳予時有上京之行

飄飄江海遊渺渺關河役燕鴻有相避客子無定跡南  
山火雲高北山雪新白想此六月時相顧各動色堠傍  
青松樹上有雙鵲翼愛君慎舟楫戒我專寢食擾擾行  
路難風花亂如棘

有感

皎皎白面生長鉞學短長箕坐激楚聲大言響高堂有

客將止之反脣臂欲攘客退不敢言彼怒庸何傷盈盈  
百花露擬作終歲糧露晞百花隕掩袂翻徬徨

董道士雷泉齋

淵淵養空洞摩盪升天行翻車震崑崙旋空紫金明下  
有五采雲散絲隕珠英以彼一寸光八表須臾成逆順  
有正性變合無流形火以明益枯水以堅始凝無為合  
冲澹神化凌上清

三月十二日自殿廬歸舍梨花盛開薄暮與陳

汝海花下小飲

兩人一百歲共飲三十杯  
雙花夾蒼檜天桃倚晴臺  
白團燕山雪紅注天台  
醅振鷺擬高下遊蜂謝徘徊  
昂首冠接羅捧心舞毵毵  
殘日凝餘霞迴風起輕雷  
不念影寂寂但惜光皚皚  
珠衣點綴滅粟尺彌縫裁  
團圓粧奩巧宛轉寒紋迴  
香深妬紫檀色靚羞蒼台  
幸茲艷陽盛不以塵土摧  
凡卉工後先孤根靜栽培  
翫芳悟觀象擷英審掄才  
較轢青紫場躡藉錦繡堆  
高羞折腰柳逸亞

橫枝梅慙懃識花意浩蕩為我開殿廬龍光動瑣窓駒  
影催相迎復相恨欲去還相陪停雲儼若思落月寒如  
灰當歌願秉燭渴吻驚恥壘

送祝丹陽使武當山

夙昔山水郡浮身宅冰霜回首楚望深乘車升武當上  
有天一池夾日紅熒煌玄雲起丹甲羣螭恣騰驤攀崖  
靈壽杖坐日芙蓉牀琳琅徹迴鸞儼立承天香麻衣採  
芝叟百歲鬚眉蒼授子以易知永視元運長摩娑古金



人轆轤日月光中臺古嶺萃天風振層岡揮手謝來者  
下土何遑遑

贈陳文翁求篆扁

往聖挾天巧蟲魚構瑰奇辛勤汗簡功淪落誰傳茲昂  
昂子陳子掇拾靡棄遺清齋淨無塵素壁懸秦碑侶欲  
臥其下畫腹鬼神悲氣酣落長牋屈曲生妍姿斷嶂立  
冰箸迴波捲蓴絲百幻頃刻成長鋒勁如錐解衣坐晴  
窓青眸光陸離客喧意自寂手敏心相違遠憐李氏子

自謂一代師蒼惶大夫門筆冷情依依得非金注昏竟  
墮豪俠欺我家竹石居甕牖迎春曦煩君作佳扁朝夕  
舒頑疲夜月走魑魅晴雲鬱蛟螭高張駭衆客傳觀恐  
羣兒能事敢強迫妙處通天機會須風日清醉墨傾淋  
漓

送李平叔之信陽

維昔文昌公幽蘭閼孤芳高秋振餘清百卉爭歛藏颯  
爽眉髮古莪冠坐鄧庠歌詩闡溫柔宮商起虛堂絢爛

五色雲縹緲鳴鸞鳳至今老諸生猶能記鏗鏘乘風侍  
金華蹇諤懷剛腸諫疏納帝榻百壬斂妖芒年運既莫  
從精爽回雲鄉空餘子雲宅澗水猶湯湯永思古遺直  
江湖渺相望竭來芙蓉峯喬木鬱以蒼凝然孫枝秀妙  
譽參珪璋投牒山水州清溪趁輕舡羣公列贈語握手  
揮離觴我生識面晚懷賢意何長慨茲衣冠冑薰葭隕  
飛霜交衢泣零落寸心實徬徨斯文儻未墜龍虎回天  
章願言紹正學青雲縱翱翔

贈徐中丞二首

南海有玄鶴孤唳雲稜層天池不肯下厭此魚鼈腥露  
冷懷長飢慘澹舒寒翎空巖蔽喬松鬱鬱太古青喬松  
意何悄陰籟驅羣靈下有散髮翁默誦離騷經妙言粲  
瓊芝孰視眸晶熒鏗然拔長劍神光發新硎倏忽去已  
遠玄鶴空晚晚為言來何遲迴峰起前巘

鳧氏哀吉金紅鑪範黃鍾鍾成飾雕簏岌業蟠虬龍大  
鳴淳以希小鳴和且冲高懸饗羣帝祥雲布青紅羣帝

難強留一去三千秋張筵設尊筓庸錫南諸侯一擊黃  
鵠來再擊飛雲收徬徨不敢聽亟以還中州師曠世本  
有左高悵誰謀終然侍帝所天地歌同流

拙訥齋

樗櫟老薪樵雁以不鳴烹受形既非材卒莫全其生在  
昔有至人觀化通百靈至言貫圖象妙意窺璣衡乃為  
萬物宗熙熙遂生成髭彼青牛君深根護靈局永哂鄉  
原子木偶欺聾盲設喻深止之跬步增慎兢世路日榛

棘韜精事沈冥滄江渺何許願言濯吾纓

送鄧陽劉縣令之官宣寧二首

崑崙馬邑州火山蒸鬱陶霜勁角弓直草淨蒼鷹條平  
沙細成塵迴風湧銀濤想彼強盛時馳突聲嗷嘈烽煙  
徹雲表低昂望前旄樓煩古喉襟燕秦據其尻八月秋  
氣肅千家釀蒲萄

帝京布文教列邑施官曹井屋魚鱗齊禾黍黃雲高  
幡然土俗變帖首羞雄豪出宰試敏手良庖靡更刀善政

舊謀傳據案除民饕村村煙火通長塗罷建橐雞鳴流水遠雁過平陂翺餘情樂觴詠臨風謝喧囂

題文與可風雨墨竹

妙筆挾天巧黑雲參差高偃歟受雨深俊欲凌風翺颺爽隨舒卷清凉散塵囂湛湛不受暑靈籟虛窓號緬懷文湖州玉雪中豪想此磅礴時葆光解天弢老僧道機熟形影隨目逃持以深贈之生意窮秋毫高齋夜氣寂定回起層濤

答李生裕

尚書大同  
公曾孫

英英金華伯皓首人中龍橫經古鄆水歌詩傲羣蒙

舊為

鄉里教授歌風  
雅以訓諸生

正色侍邇英微言動宸聰一疏不合意

孤身轉秋鴻俯仰乾坤旋舊聞渺遺蹤坐令詩書宅寒

雲翳孤桐維曾秉文度月印五采虹知我夙昔侶贈言

啓春容清朝集文儒直筆書清忠作史聖有訓孤裘覩

蒙茸挽士貴無方正色誰為宗虛舟萬斛積遇順凌剛

風明時詎淹留勗德會有逢



題巨然楓林雅集圖

楓林集虛秋灝氣轉寥廓坡危草纖纖水路石鑿鑿四  
子何方來黃塵滿芒屨據流濯其清班荆坐盤礴山童  
注新泉文鼎拾薪籜方囊濟勝具一一隨取索想彼笑  
談時天弢脫塵縛上追巢許高下陋山王薄淒涼金谷  
宴腥羶甕鷄樂又疑東山遊粉鈿汙花萼老僧習止觀  
雅趣隨筆落振衣從之遊素壁儼酬酢

避塵軒

飄風捲飛蓬咫尺隔煙霧馳車與急騎憧憧走當路各  
云有所之瞬息不得語山陽荷蓀翁守舍視日暮酌彼  
澗下泉膏沐美無度寒光映玉頰浩論巖中趣永謝征  
塗人看雲養真素

次韻伯生榆林中秋

榆林月中來今月向此出天低鳥翼滅野淨田事畢驛  
馬西北鳴候吏語喧唧我行起視夜炯若積雪白昂頭  
望玄宮耿耿駐營室坐令八方澄不使萬景沒徘徊清

影孤躑躅悵後發

送鄭景尹還里

蟬冕生詩書世胄迺鄙夷沈沈喬木宅風煙暗茅茨此  
理固莫詰或言有盛衰堂堂魏王勲談笑帝者師風雲  
締嘉會青史傳忠規諸孫靜且秀振鷺遊天池鄉社三  
十年永謝紉綺姿興至來上國窺探挾幽奇聞聞與見  
見柳下揚鞭辭前聖六籍功尊聞審羣疑江源發甕口  
濫觴渺無涯願持一寸膠黃流化清漪天風捲秋濤舟

楫慎所持時至諒有得衡門詎棲遲

李野齋別墅圖

別墅依平陂翳翳桑麻陰田翁理農具晴雲起遙岑于  
時春事初佳樹響鳴禽先生朝出遊呼童佩瑤琴仲也  
行比肩叔也聲相尋興至或坐石臨流散虛襟有客携  
酒壺勸我手自斟共言羲皇時古風藹渟深巍巍居仁  
里盛德世所欽三鳳在高岡參飛起清音恂恂化卑讓  
歲往猶傳今披圖儼見之慰我夙昔心

子昂人馬圖

飄騰天山霧盪摩玉京雲耿耿萬里姿矯首空羣迺  
翁愛神駿泚筆五采分翁歸侍帝所乘化觀芸芸彼亦  
與之俱追風超九垓

時松雪翁已  
下世一年

題墨蘭圖

秉芳空林中介石交不黷飛英散玄佩受露以膏沐羣  
妖春炫晝墨守益慎獨豈不念歲晏自獻傷我足矯矯  
金石交挽之不盈掬疏清湛虛心振直耿絜腹昊天有

正令俛仰萬物肅臨風獨躊躇白駒儼空谷

次韻瑾子過梁山灤三十韻

大野豬東原狂瀾陋左里交流千尋峯會合百谷水量  
深恣包藏神靜莫比擬碧瀾渺無津綠樹失其溪揚帆  
鳥東西擊楫鷗沒起長橋篙師歌短渡販客止天平雲  
覆幕灣迴路成砥鷹坊嚴聚屯漁舍映渚沚柳絲翠如  
織苻帶組交疑出日浮鉦金明霞紆綬紫一畝澆腸迴  
三類慰潁泚高桅列魚貫遠吹笙鳳觜前奔何無休後

進復不已遠如林鳥旋疾若坂馬駛飄飄愧陳人歷歷  
見遺趾流移散空洲崛起尋故壘波清鳧聚陣日落魚  
會市土屋危可緣草广突如峙蓮根漲新圩蒲芽護荒  
坻水花碧團團雲葉白迤迤濬脩出飛泉闐闐搜故址  
緬思重華帝允屬夏后氏彛倫著箕疇偉功傳遷史目  
力渺無窮行跡端可紀前村捋柔桑沃壤接良耜餘芳  
錦堆爛宿麥翠圍侈迺知東魯儒終作中朝士養源滙  
滉漾包荒納遐邇驅馳屢經過感歎復慰喜南還幸遂

願永雪洗耳恥

憶昔三首

憶昔白雲阡有松如車輪初日炫五采湛湛珠露勻是  
時十四五恍不知其因有客笑指之慈蔭在汝身猛志  
親六籍百川渺無津懷刺慎所從一一先朝臣文昌古  
遺直談經鬱紛綸授以漆簡書經緯通天人碧波掣鯨  
魚瑞錦翻麒麟昌歎世所鄙食之迺奇珍廁身金鑾中  
黽俛二十春懼貽先師羞執筆常逡巡即今已六十誓



墓廬松筠厚德靡有報淚與寒泉淪

外家甘盤宅門閥誠煒煌高懸金碧榜中有袞繡堂珠  
璣左右侍絲竹儼成行幼不識慈顏到彼心徬徨每歲  
兩過之嚴訓具有方膏粱病居養久爾生情荒七歲誦  
詩書十齡學詞章駸尋志學歲折節師老蒼紀事法班  
馬冥心契義黃謬與時彥交寶書閱琳琅今茲乞南歸  
往事增慨慷興懷陶與蘇秉筆追耿光凱風有遺思願  
言繼餘芳

寥寥帝王州我翁佐其治有亭名朝陽青溪清且駛旁  
有籌邊閣羣公集裾翠翹翹萬芟荷雨過爭旖旎飛觴  
羽書來翕霍江上燧戢冠及遊談戎弁生縱恣予時侍  
其旁側耳聽論議翁言不見取投劾乃謝事坐令百萬  
家解甲豎降幟徘徊夕陽亭晉宋政相侶

重巖圖

為劉明叟  
過翁作

夙昔慕清隱振衣躡層巒飛鳥出天末白雲生樹端稍  
覺所歷險撫松獨盤桓緬彼巖中人塵世靡有干飢食

千歲芝朱顏炯團團一日不見之披圖儼清歡崩崖骨  
枯藤迴流起危湍微茫暝色共凌亂生綃寒心期果冥  
會願言力加餐

王叔載以江梅有佳實託根桃李場為韻見貽  
因次其韻

百川既東流震澤成三江學海詎有窮汴源探敦龐緬  
彼學古人善問如鐘撞簾瓢豈在樂樞衣願為邦

六籍會有厄禍繇漢晉開文離起田孟誣偽興姚梅綿

最匪正禮區區存曲臺吟詠既莫分褒貶以為才

峨峨神京秀輟跡貫九有奉璋弁如雲執轡沃在手欲  
窮義黃心編簡滅科斗研摩詎無念急景謝衰朽

風雨乖素期山雞鳴喈喈豈不念夙昔愛此日夕佳平  
明視青天羲輪御中街榮悴會有時願言壯其懷

高門深寧翁晚歲悲絕筆愛彼樸樸才化為梗楠質春  
花五采妍秋至詎俱實遺文粹東楹賤子願叙述

昔聞中書垣上有紫微閣微言續九丘妙義追八索嶽

岑大厦傾作記金鑒託深悲在廣招寥寥釣天樂  
少小不自持曲學尊蕪繁舉觴一酬之為言護深根先  
天有至理能使月窟溫談笑襲師訓詎知雪齊門  
斥鷃不能飛欲作搶榆高何如阿閣鳳守真始風翔志  
士惜短日碩人養屯膏蕭脂始薦皂食黍迺雪桃

昔年委問巷初不願祿仕紬書探異門擬作前國史念  
至事益非委命以修已勿為衆所譏不如道旁李

君才如江梅不入桃李場徬徨念先猷貫鵠始挽彊後

生捕形影爭言早升堂唯餘白髮士耿耿無它腸

董生噩上人以叔載韻見貽再次韻

闕河一轍跡耿耿明天江五方各異俗中州誠駿龐  
吾欲上帝闍帝闍不敢撞終然返初服養佚歸海邦

遠宦三十年石田今始開觀象慕易京登真想仙梅風  
昔希石匠歲晚成輿臺志念詎不深樸椒慙非才

弱冠慕靜居掩息空萬有老禪深愛之微笑示以手忍  
欲如忍事吸醯過三斗終然寒松勁不作朝菌朽

韞帽成戚施逆耳風其喑昂然望南山愛彼日夕佳朝  
來何所見萬馬盈天街所以巢居子終然養澄懷  
辛勤下帷生涌思不停筆範鑪鎔吉金變化銷其質湛  
深陋雕蟲多聞覈萍實袖手毋自藏盛世富紀述  
匪師禪林秀宛在諸天閣當其調護時危石繫朽索作  
賦極翦裁衆物各有託氤氲荆山玉洋洋咸池樂  
玄圃有琪樹不使枝葉繁譬彼積學人艾蕪養天根歲  
暮霜雪至銅柯生晏溫一為梁棟材落落懸金門

吾師深寧翁屹屹泰華高佳嘆時一遊不使凡羽翺方  
壺貯神藥變為五色膏服之生羽翰陋彼東方桃

稟性非好遊亦不願祿仕感彼獲麟翁歷聘刪魯史正  
緒願有傳固陋敢私已年衰絕聞見謝彼井上李

少壯勿自摧振容上詞場鵜膏淬寒鋒談笑摩堅彊藉  
以雜纖羅貯以白玉堂辱贈莫知報因之結中腸

芳思亭

大父尚書公治圃南郊有堂亭凡十五方池脩廊屈



折便宜雨甚亦無礙遊事逮今荒廢踰四十年故基  
陳跡不復可考近築一亭雜植花木廣不踰畝髣其  
萬一名之曰芳思玩其英華將以紬繹志興翰墨有  
紹是則先公之志作詩示瓘瓘併求親友同賦

侃侃尚書公投紱理泉石五堂適寒暑十亭送昕夕瓊  
英玄圃秀美蔭嘉樹碧脩廊不受雨來往隨履烏紅雲  
漲方塘丹霞耀翠席嘉魚黃金掌瞥見眇莫測辛勤三  
十年深迹晦朝蹟遺訓示子孫樹藝比其德浮雲變須

與百幻倏消蝕空餘鄭公莊耕稼給衣食緬彼行樂時  
衆植各有職以茲一畝園髣像見疇昔幽葩與羣卉生  
意日不息朝陽漱靈根三咽妙紉繹曠懷事幽賞誓矣  
躬六籍

次韻袁季厚惠苦筍楊梅二首

食苦不願餘甘回迺稱美空巖養滋味老叟清晨起斷  
之玉箸圓拾以付稚子駢頭萃豪門咀吞訝金矢維時  
朱明中盛德協清徵翛然在陰翳儼與松柏峙玉液生

華池可廢杜康祀含章守元吉黃中本通理絜腹表正  
性要以除穢滓初如橄欖食不作即且棄世方尚腥羶  
易牙正專味愧我清齋客足音跼然侶

空巖迸瓊珠蕭蕭白雲中恍疑羣仙立欲脫煙霧叢招  
提者誰主日出撞金鐘笙簧激清濁旌蓋搖青紅遂令  
彼林谷徵索恨靡窮侍臣久歸田不數蔗椀功頃筐遠  
相致齒頰生冰風昂昂長松蓋下有萬馬容同源匪異  
本斯文永為宗

清容居士集卷五

欽定四庫全書

清容居士集卷六

元 袁桶 撰

古詩 七言

題高彥敬桑落洲望廬山圖

為秋  
泉作

長江亭亭桑落洲一塔獨傲蘋花秋邊聲已逐鼙鼓盡  
水氣欲挾漁榔浮謫仙騎鯨五柳老真景變滅隨沙鷗  
空餘秦箏與羌管斷續不洗琵琶愁玉堂小窓解蒼佩

宴坐得意豪端收空青點雲碧痕濕方諸取月寒光流  
匡廬老人在何許侶覺領首相遲留佳峯稜稜鐵鈎鎖  
寸樹點點銅浮漚要知翰墨灑清氣俗子政爾勞雕鏤  
秋泉山人息機事青眼不與王公酬高張素壁凜太古  
擬跨獨鶴還磯頭人坐江湖在適意底用絕俗埋林丘  
擬圖覽古重嘆息天際杳靄疑歸舟

秋泉德生仲章梅叔章周儀之皆次余韻題廬  
山圖再次韻以謝

郡列戍連沙洲榆柳插戟搖清秋擬從京國洗氛瘴  
塵復作煙花浮西山紫翠不可望但訝積雪如明鷗  
石寒齋之畫幅瀟瀟不寫人間愁宵中丘壑我豈少  
此磊嵬難為收宣城詩法擬二妙炯若玉瓚盛黃流  
興天機愛神俊碧眼一顧羣無留千年周子古風月  
衣亦散空中漚乾坤無言混沌鑿頗怪我輩勞鐫搜  
兵天台老僊伯清坐自與廬山酬天清無人月色古  
緬五老疑駢頭功名營身旋蟻磨芻豢得意崇糟丘

從老其下釀酒一醉黃金舟

張彥清以復古硯贈友人因賦長句

遊倦鋒鏑宴坐清都賓出日宵中筆陣掃玄雲  
溪評甲乙平生紫玉無纖塵小窓寄傲茶甌春  
寒出古色鵲眼獻秀憎妖顰烏號已去寧復得  
陵空悵憶猶餘舊賜落人間漆字模糊記朱色  
士胷次高愛此靜閑濡霜毫迺知貪夫罪懷璧  
物為神勞清齋持盃好顏色楚人之弓楚人得



平生弟兄今始知一笑相看竟何惜蕭齋老人筆如錐  
松花蕩漾搖輕漪江南採菱曲已遠願寫紫府虛皇詞

金華曹道士白雲樓

蘇仙念母母苦飢化作白鶴時來飛我聞紫虛亦官府  
朝夕往返勞天機何如金華有真隱築室空翠搖煙霏  
松花麩蜜五鼎養丹砂汲井千年肥我生不識萱草歡  
孤身永日懷春暉白雲在天詎可望遲子歲晏山中歸

賦黃帥平寇還

蒼梧之山利如戟五溪南行水如墨文身鏤面號為人  
感口磨牙時剽賊將軍手提丈二及匹馬直入深林居  
摩娑銅柱寫殊績南人自此長為奴檳榔快嚼端禦瘴  
薏苡不將真避謗繡袍初賜簇金雕聚米為圖指豪壯  
萬里功名非偶然輕身許國誰為憐莫嫌儒冠守青簡  
能淬筆鋒書定遠

謝王參議送練春紅二枝

玉堂老仙玩幽獨閉戶無人侶初溽倚闌岸幘領孤芳

菽菽輕紅冠羣綠化工有意卑凡卉積李崇桃空眩目  
爭先鬪巧等堪憐已向東風盡驅逐此花清妍淨如洗  
收拾餘春傲榮辱何郎湯餅徒試粧太真溫泉空賜浴  
天然生色鑄真態亭午低頭睡初足誰言花后最奇絕  
我怪酪奴能汙觸嫣然一笑奉清懽莫把金樽歌別鵠  
并刀妙翦駢頭來珠露淋漓袖新感侶嫌凡子多京塵  
却恨高人付流俗微風澹蕩新雨生強拭愁容吐殘馥  
擬將色筆寫清意綺語非工那忍瀆徘徊中庭月過半

翠袖娟娟泣寒玉

題董簡卿瀟湘圖

瀟湘之水太古色  
煙樹空濛成寸碧  
奔騰日月轉銀丸  
噴薄峰巒凝鐵石  
楚棹相將客獨聞  
楚歌款乃人誰識  
望盡蒼梧不見雲  
千古靈均空悵憶

絡馬圖

秋原苜蓿肥雲屯  
帖帖此馬和且馴  
屬車效駕豈在力  
愧汗絕足追奔塵  
良哀不生造父往  
公子毫端意悽愴

虞淵逐日終飲河出門加鞭奈爾何

康樂圖

長安韓德卿夜夢至一宮室扁曰康樂因名其堂以奉其母

至人無夢夢乃真瞪目一視空中塵悲懽蟻旋水東注  
遺珠罔象迷其津持麤嗽臼逞詼詭取禾坐極夸榮貴  
不如長安韓生道上眠念母還家枕中記紫霞之宮那  
俗書煙霏霧結開雲圖虛靈變化在頃刻齧指疾應維  
心符城上烏啼畢遁尾倚門獨占乾鵲喜萬里辭親真  
可憐書來端有平安字

贈杜秀才歸省荆南

臨江種橘橘易朽滿籬積金金作奴何如遣兒束書帙  
婀娜初服游鴻都從師之樂端解語暫作庭前綵衣舞  
會待明年春水生雙槳如龍天上去

贈拙訥子

萬言不啻一杯水刻楮徒費三年功何如宴坐寂真靜  
木末時數南飛鴻長安之衢塵冪冪願言飲垢如飲蜜  
鸚鵡作賦真有才至今江浪猶銜哀

寄南劍李士弘使君

水雲離離千疊峰  
海日如鏡行天紅  
使君新沐坐清樾  
筆底丘壑生陰風  
玉蘭之花不受觸  
日給飛泉三百斛  
高春打衙人不來  
鶴立蒼苔動新綠

送任道士歸武夷

武夷之峰高插旻  
浴日離海朝為賓  
石牀芙蓉迸膏露  
乳竇醺醑凝長春  
陰崖怪壁鳥跡絕  
葛藟當戶苔鱗鱗  
神君枯魚古籙豆  
曾孫毛竹今霜筠  
千年金骨幻凡目

玉匣九鑱光如新想當精思握宇宙魄質已化能成身  
我聞帝居亦官府風馬泱泱空中輪愛君釣鰲避東海  
笑踏北雪鬚眉銀寥寥空山太古水清夢入髓時相親  
誰言五色亂吾目得意忘象那非真歸來玄鶴忽不見  
勸汝速浣征衣塵

送郭天錫還京口

朔風吹塵著駝裘  
寂寂凝絮玄霜浮  
城南泥深擁車轍  
矮屋夜臥鄉心稠  
暮春雪消花始放  
積柳婀娜沙中洲



布衣在手不易舉目數過翼隨雲流人言擔簦古奇遇  
邂逅一見能封侯紛綸寸舌有榮辱智士縮吻成身謀  
愛君亭亭日中鵠玉色已變扶桑游紫芝為糧露為醕  
北適瀚海觀羣漚素書滿囊不干世磊落胸膽看吳鉤  
新編翦雲彩鸞舞妙筆入水寒藤抽氣酣登臺望陳迹  
慷慨直欲微言酬舊家鐵甕古城下春浪汹涌今悠悠  
但當清談且飲酒往事寂歷遺磯頭黃鸝空桑子規怨  
椽實已盡榆根留長河滔天怒蛟走底用華表歸來愁

江湖清歡眇去袂風雨疾意催行舟人生會合定有樂  
念此別意空綢繆

燕吳閭閻冰雪相看

豪門炙熱熱如暑下馬還家汗流雨徒將嘖笑作清涼  
萬事回頭總塵土那知道人玩丘壑一榻高寒閒栩栩  
碧雲散作明窓塵妙墨還為小山霧平生冷語出胷臆  
頗怪梅花猶媚嫵崢嶸歲晏凜今夕商榷斯文共樽俎  
要知冰雪本奇絕正色森寒傳太古我聞崑崙有至理

陰火玉泉誰解煮會須鐵石起風雷手抉玄關破凝沍  
人間寒暑潮去來物外陰陽月吞吐閉門客散真兩忘  
竹影離離滿前戶

灤陽張節婦瓶中杏枝著花因賦

陶人妙合陰陽機凍壺頃刻回芳菲盈盈綠房綴冰蘂  
玉蝶婀娜穿帷飛佳人蓬鬢不下堂手繡孤鳳橫匡牀  
寶刀翦繒試春色翠袖慘澹顏無光烏頭可白珠九曲  
造物深知憐不足故應試此一枝春點綴扶疎驚衆目

君不聞天上飄髯龍平陸成波濤又不聞壁間壺兩曜  
瞬息如跳珠齊諧茫昧不可詰炯目看朱動成碧張氏  
之壺如截肪真火煉質千年剛枯根借潤表貞志慎勿  
語怪歸荒唐

仲章與余連舟而行仲章指畫皆不在人後夜  
泊甲馬營余舟適先至仲章有詩因以奉寄

我船如縮鼈瘦僕凌兢空挽曳掩篷熟睡初不知晚向  
沙頭踏新月君船如生駒追風破浪爭驪呼青春擢郎

紅蔽膝搖唇感口歌吳歆昨宵甲馬營前宿大侶天公  
憐不足回帆望君君不鷹出沒高桅轉河曲人生作計  
那可既誰能盡已不盡智積薪居上東方愁相位還須  
跛男子憶昨都門經歲除風吹乾雪塵模糊閉門擁被  
謝不出時人背笑何其疎只今船行一千里萬事乘除  
總如此愛君玉雪雲中英我歌作勞君且聽

蒲城孫世英編修父年九十四號嘉遜翁院長  
而次各賦詩

蒲城之下嘉遜翁銀髮髭耳雙碧瞳少年流離老康樂  
布領踏醉歌春風春風畏人屢歸去阿翁扶春春始住  
穿花入市爭捧盃採藥還家共攜路諸孫青襦誦魯論  
寒燈夜授鄰壁聞泥深翻疑犢車險雪釋自訝駝菜溫  
憶昔種松如指長俯仰鐵幹參雲蒼桑田變滅理固有  
底用化鶴來還鄉只今翁年九十四萬事如雲日嬉戲  
迴首塵中輕薄兒奔走流年竟何事

嶽麓圖

積石落落雲中礮冠以蒼松藉瑶草天柱脩纖立晴昊  
絳霄雲璈誰擊考揚許之君顏色好冰綃為裳車羽葆  
永慙垢濁增札天湘波層瀾勢灝漾跳珠浮玉斲洲島  
一洗氛瘴蘇衆槁爰築廡廡俾終老出門倚天心悼恍  
玄穎浮花落繭縞無跡空飛詫神媼肘後藏之五色縞  
念君別去塵浩浩歸來歸來守其寶

送何太虛歸山中

飄飄兩屐山中雲青眼不受京塵昏意行扁舟本愛雪

獨立五柳猶當門人言江湖在遲暮立談雙壁非謬誤  
相逢挽君君不迴落日蒼茫寒驢去

同子唯賦水車

挈瓶之智誠有餘抱甕之勞亦良苦何人嘗巧挾天機  
河伯逡巡魚鼈舞昂昂長身臥塍岸捲地翻濤敵驕暑  
誰云龍骨化梅梁未信魚身作橋柱縈紆香輪過流水  
突兀雲梯卷清雨橫陳歌板促紛綸倒流谷簾聲齟齬  
東家槥婦顏色惡步步生蓮空媚嫵陽烏流爍汗成漿



平陸須臾涌銀乳推移燥濕意本同竊奪陰陽天所怒  
人言無踵能自至跬步周旋路脩阻不辭滿眼看黃雲  
歲晚論功付梁杞君不見田舍翁年年辛苦與我同天  
寒破褐厭糠覈仰視屋壁知誰窮

次韻夏明道紅梅

江南徐生圖沒骨筆底妖妍等塵物此花絕俗避春風  
東望扶桑入瑰室閭風羣仙笑清寂故遣瓊英侍巾拂  
龍肝麟脯厭新臊以斗為盃飲真一嫣然乘醉下塵寰

欲向晴空舞紅雪崇桃積李行飛翻固此貞容莫旌別  
效顰不語空捧心美好何由在粧抹懸知正色衆所忌  
況此纖穠逐時節憶昨歲暮天號寒炯炯霓裳傲冰月  
誰言凍吻不敢吐妙思端須續神筆飢腸雷吼空九迴  
勁氣雲摩難百折人間好語詎有盡三嗅清香應倒絕

雪汚齋

邢醫取靈樞雪者  
汙之之語為號

有客飲垢如飲墨三尺之泥及馬腹平明對鏡鮮衣裳  
意氣摩雲飛食肉清氣不來空慨慷願君勿走治其狂

明窓紫塵在吾鼎淨洗紛紛冰炭腸

次韻閒閒甲子雪

絳霄僊人雲作席宴坐玄關已知白萬妃婀娜布青陽  
淨掃嚴凝驅伍陌飛霏散作平地舞翦綵寧為舊時色  
西峰秀筆眇何許侶換當年銅綠格洛陽之人凍吻縮  
詩句那能隨燭刻大鈞有意迴昭蘇至寶無華匪脂澤  
乾坤偉觀雙眼明高臥元龍須百尺

贈錢唐吳月湖

棄右班  
學黃冠

君不見後湖僊一官掉首餐神丹月明江上杳然去唯  
見玉珮雲珊珊又不見姚將軍夜騎黑驪趨劔門飢來  
青城采芝食童顏逸足追奔雲人生富貴那可必偷竊  
陰陽亦奇崛陰符自與素書通赤松來歸乃真逸西湖  
明月不可釣呼吸湖光月隨照要知心與月同明暫假  
孤光敵清皎憶昔黃霧衝八蠻髀肉消盡口吻乾萬里  
生還真幸爾十年老去猶悽然即今落魄隨塵緣丹霞  
玉樹壺中天何年輕舉花飛鶴歸視城郭同蒼煙

送趙君佐茶使

淮南食茗如食粥清曉烹煙出茅屋生來不識太官羊  
翁媪相看夸不足連綱貢餘知幾春排檣接纜來儀真  
莫言此物常苦飢船中估客肉常肥

黃臨汝以長句索筆次韻

寸錐飲墨工傳書千載妙蹟遺官奴寶跗綠沈不易致  
葫蘆荆管那能無古來志士心獨苦採荻夜畫灰成圖  
書窓歲月要有限作計何必輸人鬚中山外君被羈東

論功且復歸韓盧柳家鈎鎖本新樣內史筆勢難為徒  
遂令陳生擅料事坐出妙語如擒俘邇來八法益疎漏  
雞毛兔毳爭庭除姓名僅記政自可文采日泯終何如  
湖陰丈人古仙伯舊嗜寶刻窺鴻都飄如晴雲彩鸞舞  
勁若暖浪寒蕁舒丹碑翠碣已冠世所恨咋舌懷嘉謨  
竭來掘筆弄天巧下視羅趙真有餘詩成醉墨作三絕  
寒室眩晃生瓊琚

題翠山嗣禪師雜花世界

寶田琪柯天上種一一五采相紛披深根清寧出樂國  
幻境變滅卑仇池藥珠駢頭滴膏露萼綠擁翠攢新枝  
陰陽轉旋發天秘霜雪饕虐培靈基紫泥分封慶雲護  
緹室應律溫風移初疑層臺閭仙下侶笑移谷愚公癡  
側金布地素習結翦綵眩晝神光竒桂宮斫斧古莫徵  
桃源展畫人猶疑高禪息機月窟坐微笑彈指靈山來  
嵌空積鐵不受暑垂溜挂練能成漪巧翻新好喻空假  
妙合頃刻窮施為溝塍衍平碁局布巖谷巉削丹泉滋

流鶯弄晴暎繚繞幽鳥觸影搔參差扶筇一觀定已駭  
飛觥百罰知何辭眉毛猶存眼非眩意不落相寧無詞

贈劉醫

行禁  
架術

君不見東漢趙生試奇術禁架相傳人莫測桑皮為脯  
水為膠耿耿千年猶廟食

事見後漢趙炳傳  
今台州土神是也

又不見葛

稚川遠窮句漏思得仙辛勤纂書集奇怪金創一呖完  
如前古來長生氣為寶踵息深深神不老肯將呼吸逐  
凡庸辛苦徒令顏色槁羨君妙契合二士萬病相酬一



杯水參苓遠棄藥無功變幻須臾人共喜靈龜枯桑終  
殞生雁以不鳴曾見烹誰言靜默解自致奔走歧路方  
喧爭我生守口今已瘖氣涌如山空苦心漫將寸穎寫  
奇崛紛紛過眼誰知音陵層瘦骨非食肉空洞無塵那  
有俗金華玉瀝端可餐要俟它年梨棗熟

次韻段惟德右司

空齋病起槐幄深碧雲道士遙相臨問之不肯說姓字  
笑指庭鶴知余心昔年種松在山北咫尺十載脩篁侵

公當青春立霄漢我竟日夕還山陰

子昂風林牧馬圖

駟馬不受人間齷春入川原草如髮老髯背面心已知  
眼底玄黃總凡骨相親柳下那作疎泯默此意今為圖  
竹林之賢固奇士晚歲絕交真可吁

張氏女

七歲能  
大書

皎皎嬌女眉髮鮮筆墨為未書為田家貧畫地當繡楮  
能使平陸生雲煙老蛟翻波注甘澍渴驥齧樵追寒泉

躍如斫陣勢揮突快若舞劍光回旋青燈阿翁夜授詩  
誦聲出屋清且圓天然異質世外寶寸穎入手直如椽  
流紅題詩愧飄蕩纖錦作字空纏綿遶牀不憂翠袖薄  
玉雪晃耀辭花鈿君不聞祝融之峰魏氏女空中落筆  
垂瓊篇閉門養姑吳彩鸞一謫人世知何年道合變化  
難具言宿習妙解寧非仙

送儀上人歸天台

三百六旬塵浩浩萬八千丈雲飄飄手提飛錫絕江去

獨飲古澗長生瓢乳彪呼風小兒語老鶴翫月仙人舞  
空林桂落招不來冰歇巖頭斷前路

題李廷弼歸安去思碑

人言歸安之水堪耘耔又言歸安之水宜繭絲移文夜  
下鄉社集折竹作度魚鱗推阿翁裹飯立田所大兒應  
官入城府篝燈夜算尖角贏百畝塗朱費千楮慈仁李  
長官眼明不識催租瘢溝塍如枰舊疆理故王之籍郡  
可毀刮毛龜背羞作腴棹頭據案難奉符聖朝阜民極

天際山積川量一稊米挂冠徒步歸即休虛籍誇浮非  
我計弁山何巘岼茗溪何潺湲山君水神各有職樂意  
禽魚兩相得君不聞古來吏弘羊烹劉晏死飛蛾赴膏  
無有已歸安之碑立如玉父老摩娑路人讀

題董高閒道士春龍行雨圖

清冷之淵玉為竇呼吸銀丸起晴晝昂頭躍空朝紫京  
海若蒼黃河伯走積靈為氣翻帝車坐今日觀生糝糊  
黃雲離離覆下地神跡仿象今為圖

送錢唐萬戶還鎮

秋風八月錢唐潮三千組練平明驍吳王故宮草凝碧  
一塔突兀凌霄霄將軍宣威立油幕手撚羽箭調青鵬  
穿空盤旋彩雲墮藉草燭炙羞肝膾酒酣意氣擊玉斗  
垂手逞舞花容嬌百年繁華等流水金谷翠樹隨塵消  
平湖堤柳千萬縷時繫落日傳笙簫宴安侈習卒未盡  
癡兒騃女猶喧桃名王之孫古英武韜鈴夜誦聽寒刀  
徒兵晝閒遂奔馬舟師夜渡追輕舠坐令長城鎮南服

鯢鯢落膽夷姦妖煌煌與圖久橐戢紫燕九陌嘶風驕  
胷中府庫貴商略談笑橫槩真雄超丹書之功在金匱  
願趾世燬輝皇朝

嗣天師墨竹

玄雲空飛著無跡濃淡晴溪護寒碧碌碌玉石圓且奇  
古澗因依養顏色僊人紫宮朝未移平安日報春熙熙  
生綃陳情寫初意為問白鶴來何遲

送趙簿正卿歸養胙城

淵明投贖酒初熟弘景挂冠丹始成何如奉輿歸故里  
夜聽慈竹平安聲食蓮分甘舍雲冷得魚入饌泉水清  
門前槐柳綠陰直會有雙鶴飛來迎

送保寧萬戶出鎮

古關州

鵲樹飄紅蜀帝飛錦屏橫空十二眉天狼夜沈北斗正  
筆花列陣書成圍拾遺舊題山鬼嘯文石縱橫碧苔燒  
將軍好文歌太平桂酒謹迎梓潼廟

子昂寒篠枯槎圖



靈柯連蜷排石角海風吹秋折繁萼亭亭明玕左右從  
呼吸玄雲起陰壑猛思誓欲歸河源從者亦返清泠淵  
河源露重星差我清泠之淵多蛟鼉上天下天意沈惻  
化作蒼龍張素壁玉堂之仙墨成沼潁脫淋漓翻浩漭  
鐵幹飛光明月流翠節參差飄窈窕昂身突兀太古春  
崢嶸赤立驚絕人文頤觀象洞玄化芳朽成歲非吾真

澧州通濟橋

洞庭水發波湯湯老蛟挾舟恣低昂何人空中化樓閣

斷黿為石虹為梁澧陽太守默無語朱墨塵深失修舉  
萬里南來春未歸離家想爾曾題柱

近有善書僧曰溫妙明溫華亭人明眉山人也  
余嘗識明于玉几山其年未四十溫老矣余識  
于靈隱視其書之高下亦類夫年也閏十月有  
僧攜明書示余遂各為一章美之且記二子之  
出處焉

老溫作書誰授訣少學潘郎繞城帖興來握筆美春妍

靄靄芳叢間飛蝶平生大字顏魯公晚復顛放少露鋒  
論功古法雖未至瀟灑要是僧中雄醉裏蒲萄墨為骨  
秋葉東西雲樹勃裏繒急點數玄珠不識公卿是何物  
只今書畫名已傳華亭鶴唳悲流年西方金仙在何天  
寄聲為了塵中緣

其二

蜀明貌癯肩聳山我與之語清且閒聞其作書誠險艱  
自製美筆出袖間流落金題入清笈魚鑰無聲帳中閒

暎水寒蓴凝素波側石枯藤挂斜月西風玉几雲翩翩  
黃衣渡江聽清猿逢人醉寫數十紙山僧示我相誇傳  
歐陽父子病骨立誠懸繼之天為泣楚優抵掌真偶然  
妙解無言君合識

善之攜酒招遊西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚  
幻此異景窮奇瑰湖光山色兩愁絕更挾新雨除飛埃  
千年龍公睡忽醒頃刻駕浪鞭春雷我生倦游端有意

陳迹黯淡漫蒼苔擬將鐵笛寫清怨復恐翠袖含餘哀  
主人侶怪不解樂故結勝侶攜樽壘翩翩六鶴舞晴翾  
華表清唳雲光開絕憐山雞強聯翼照水寒影空徘徊  
謝公屐齒殊濟勝偈仄蓬宇徒低摧娟娟新青故堤柳  
片片輕白孤山梅春風佳游詎易得相與一笑同銜杯  
賦金華方君雙魚硯

海上鱖魚雙鬣紅振鬣直上嫦娥宮侶嫌嫦娥太孤絕  
耿耿冰雪難為容須臾梅枯不可下駢頭躍入空巖罅

翠藤交絡石罅深太古風雷摧變化得意相忘睡酣熟  
開眼重光弄蛾綠跳銀破練何足奇共飽雲闕作寒玉


良工感此同死生冥搜巧琢存其形世人翕霍漫刳頤  
對此三挹顏為賴玄英聞孫古俠士脫粟論交傾意氣  
揭來風雨泊江干拂拭雙魚落清淚平生謝子金石交  
詩魂寂歷飄黃茆此中濡毫作新誌免與俗子同譏嘲

寄張伯雨道士兼簡鄧慶長二首

寢扉曉入香爐雲尸坐朝日雙臉醺南山鐘磬侶有約

北山禽鳥如相聞楊枝低昂碧霞袖藕葉清淺青霓裙  
更欲深居入林壑築壇夜禮三茅君

越羅作衫花纂纂今年身長覺衣短垂虹大堤迎棹船  
綵袖翩躚酒卮暖還家閉門百不知桐葉題詩綠陰滿  
鄰坊為約張隱居細雨湖橋乘款段



清容居士集卷六